

[page 34 missing from the original]

perro tat akhepahket sayepat
matis sakhahopayecepen acameksates
mohmet amacayas osseparanis kicen
asi hacce kenhe hamke resecorayof
cemacahyin ossepaccas kicen mont
omat man ramacayas kicet omet
momares kicet ma este papa tat ma
perro sakkayepates mont encukon
sayepat okan enkerrekot ma efa
custace hecat sohlikates momen
enlakset okeka emacayekut sayepet
ma estepapa hutten resorepates mont
man perro tat remacahyen momosen
erossates man erossan estepapa hutet
~~om~~ omepen arepet ohmat omis momosen
estonko tayen ma hokte manettat ton
omat momosen este papat ehoten
resoret licepates momen hompetan
hayas asi cuko ofan apeswa ocet omes
kihcen ayet ma cuko ereceyan este
hamket hoktaloset man liket omen
eremeceyen momen ma ofan apeswat
ocet omes ma este papa culet maken
arit omis kicen anen okes anen
capapet ometok anen okes kicet omen
momosen ma hoktalose likat laffe-
tan eyacekut momosen

raossepatos mont este papa cule
yemonayet okat apeswa tat sase-
sekan okeckes kicen ocet ometat
os kihcet momosen ma cuko tat
eslafka tat mafasece mahet ayat
ma hoktalose like rahece ra ossan
okehpatet raemakalafet ma hokte
like hecat emapeswan resemalahken
ennuricates mohmen hompehpet
somkepatos mont somkepat yomuc-
ke talkusen eralaket omates ma
ma este papa cule tat mont omatetat
ma hokte manettat atutet okatet
lakcan okcaraccas kihcet ayepates
mohmen lakca tat momosen
ateloynet aret momosen akkapoyates
mont arofan ma hoktale likatet
okat orosen cestehmerricaranet
hiyomat celicet omhoyet os anen
capapet caloken oman momosen
cemen hatam cepapares monka
hiyomosen ayepeckan heres kicet
ohmen momosen emetetakepatos
mont aret omen ma lakca akka-
poyeckat kute lanocen aklihcet
omas kihcen momosen kute
hopoyehpet aklicates mohmen

cukon awalapiket ayepeckares
momof man celehapon hotta
hecekot arof hopayecepeckares
kicates ma hoktalat momen kicet
emonahoyeka momosen cuko
awalapiket ayepates mon ayepat
ayepet hopayecepet omof momosen
este papa cule tat momosen ralaka-
tes mont ralaket wakket okat lakca
okcarka kicof okcarkeks kicen hatam
okcarka kicen okcarkeks kicen hatam
komat moca okcarka kicen okcarkeks
kicen kut estomemahetut okcarkekotat
omehakes mahket ayet erakhatap-
kan kute lanucet akliket mat
okcarkeks maket ohkaten ma
estepapa cule erakhatapken hecat
cek mahket owan aktaskehpen
momosen estepapa cule tat capaki-
ket ma kute aktaskat mahen
momosen akhatapkates mon ma
kuten hopoyet akkarepet eshecates
mohmet nafket cetakkosen hahyet
apalahtet momosen raossat ma
hoktale like nake onayate aisen
yempohet okat ma hokte manetat
estohme haks yekicet omen

ahracukat onka estan ayat
kerrayesekut os kicen momosen
(motakan) licepet omatet raesset
momosen nene apeyakat rohhu-
riceto stomis tartakuset erlakepen
esaret momosen cuko tan rasah-
tet hatam fettan yestakkaret
momosen cukon awalapiket
ayepet omate resenhecepiceppet
momosen (motaka) man enhecekat
omehpatet momosen ele hapo tat
~~ere~~ eremohhoyiret ayepacuken
sayat ma hokte aye arat ecertake
ocet omatetuk ma ecertake apokat
tat awolicet omis omis motakaw
cakkeparanat anakucet omepen
okat (Rane oste lecan cacertake apokat
arako celeka caleka) maket yiket
ma ecertake resyopa arat pohates
mont fetta min ahkopanet arate
omatet letket yeceyet okat powanwa
pons omkanna omet yahikepet os
maket erahalken yemonayet
oman mahkeskos eston nake
estomate hofonet omes ce kicaket
omen hatam yosiyet hatam
ahkopanet aret oman yahikepe

monken pohates mont hatam
 letket yecehyet hatam powanwa
 anna ton omat yahikepen okayan
 okackes maket omat eswikeko tayet
 esaret oman momosen rase-
 manihcet emapohicakan makepen
 okehpaten yahikepet omacoken
 momosen ma motakat asset
 omacokan kerrakof momosen
 nake eselecake tayat mont hatam
 pocuswa omis etca kotakse tis
 cawet pefathoken momosen
 ma cepane yupa arat naken
 omaranaya naken omaranaya ma-
 ket letket aret atapa kalkuset
 assekaten ra esehpet likates momen
 ma enhoma pefatkat tawat eranrapates
 momen ma hokte somkatet arepet oke-
 hpaten hecaket omis ma nake motaka
 tat cakkepet ohmaten nafkaten mon
 rahatew mont omis estomecakeko tayen
 alakepen mon ma cepanusat letket roren
 (tuskocet) tamket hoyanet okat toktus
 hel hel toktus hel hel maken pohat ere-
 tuktoswan ennafkakan eles maket
 oks ce mahket ohletiket ~~er~~ eletoktus-
 wan ma atapa kalke ese sayat

sohletiket ma nake eletoktus
wan sennafkates mohmen
ma fuswa mome make esho-
yanan mat momen maket
oks mahket mon ohletiket ennaf-
kan nake tamla omet omaten
sama-mak-kosen apoyates mohmen
estepapa aculew yopan arepatet
alakates momis ma ewanwa hesa-
yecat eton halwen acemecepates
mont parko faka atartaket acem-
ecet ohhapoket omates momen
ma este papa arepatet alakates
mont man etun acemecepapet ohha-
pokepen alaket elecan ey aret omet
anew acen cemkeparanakis kicen
monkot os kicaket omat momis
acemohcemkepakayes kicat wikeko
tayet omen mometis okes kicah-
ken ma parko fakan acemkat ayet
halwen eroren ma parko fakan est-
acahket asakwikakan maw tamla omet
omaten maw lecahket momosen
ma este eto cemece ohhapokate halwen
apeyepates mont mat kolassulkatut
omis tanc mahokanc ce.